



SURAT EDARAN PENTADBIRAN
BILANGAN 7 TAHUN 2017

PENGLIBATAN KEMENTERIAN DALAM MAJLIS
RASMI DAN PROGRAM DI UNIVERSITI AWAM

Pejabat Pendaftar
16 Mac 2017

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)

SURAT EDARAN PENTADBIRAN BIL. 7/2017

PENGLIBATAN KEMENTERIAN DALAM MAJLIS RASMI DAN PROGRAM DI UNIVERSITI AWAM

Surat Edaran Pentadbiran ini dikeluarkan bertujuan untuk memaklumkan kepada semua staf dan pelajar Universiti Teknikal Malaysia Melaka (UTeM) mengenai penglibatan kementerian dalam majlis rasmi dan program di Universiti Awam.

2.0 Ketua Pengarah Pendidikan Tinggi melalui surat bernombor rujukan JPT.S(G)2000/014/06 Jld.2(23) bertarikh 22 Februari 2017 telah memaklumkan berkenaan penglibatan Kementerian dalam majlis rasmi dan program di Universiti Awam.

3.0 Sebagai makluman, terdapat dua (2) perkara yang telah diputuskan susulan daripada Mesyuarat Pasca Kabinet Bil. 3/2017 dan Mesyuarat Pengurusan Pendidikan Tinggi Bil. 2/2017 iaitu:

- 3.1 Bagi penganjuran majlis rasmi Universiti Awam yang melibatkan kehadiran YAB Perdana Menteri dan Timbalan Perdana Menteri, pihak pengurusan Universiti Awam diminta untuk memanjangkan juga jemputan kepada YB Menteri Pendidikan Tinggi, Ketua Setiausaha Kementerian Pendidikan Tinggi dan Ketua Pengarah Pendidikan Tinggi ke majlis berkenaan;
- 3.2 Manakala, penganjuran majlis rasmi Universiti Awam yang melibatkan Menteri dari Kementerian lain pula, Universiti Awam perlu membuat jemputan kepada Pengurusan Tertinggi Kementerian Pendidikan Tinggi (KPT) di mana jemputan tersebut perlu ditulis kepada Timbalan Ketua Setiausaha (Pembangunan) KPT dan disalinkan kepada Ketua Setiausaha KPT.

4.0 Sehubungan dengan itu, seluruh warga Universiti dipohon untuk mengambil maklum dan mengambil tindakan yang sewajarnya bagi pelaksanaan perkara tersebut di atas agar tiada lagi majlis rasmi dan program di Universiti Awam yang melibatkan tetamu kehormat tidak disertai oleh pihak Pengurusan Tertinggi KPT di samping turut mematuhi tatacara pengendalian majlis rasmi di Universiti Awam mengikut susunan protokol yang telah ditetapkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN

Pendaftar

Universiti Teknikal Malaysia Melaka

/azz

